

VRBANVS PAPA VIII.

AD PERPETVAM REI MEMORIAM.



OMINI NOSTRI IESV
Christi, qui seruos, & ancillas suas
aeternae gloriae praemio donat in cae-
lis, vices, quanquam immeriti gerer-
tes in terris, ex iniuncto Nobis Pas-
toralis Officij debito procurare te-
nemur, vt eorundem Seruorum,
& Ancillarum Christi debitus hon-

nor, & veneratio in terris indies magis promoueatur, &
laudetur Dominus in Sanctis suis, quamobrem Christi fi-
delium ad eorundem Sanctorum patrocinium confugie-
rium vota, vt optatum sortiantur effectum, ad exaudicio-
nis gratiam libenter admittimus, ac desuper eiusdem of-
ficij partes propensis studijs impeditimus, prout conspici-
mus in Domino salubriter expedire. Sane dilecti filij Syn-
dici, seu Procuratores Regnorum Coronae Castellae No-
bis nuper exponi fecerunt, quod ipsi attentè consideran-
tes, quod, & quanta meritis, & intercessione S A N C T A E
THERESAE DE I E S V, Praeposens Deus illis contule-
rit, & indies conferat beneficia, quamq; Regna praedicta
illius vitae sanctimonia, ac quae Dominus per eam operari
dignatus est miraculis, necnon etiam fundatione tot
Monasteriorum, tam virorum, quam mulierum Ordinis
Beatae Mariae de Monte Carmelo Discalciatorum nuncu-
patorum, in quibus primitiuae dicti Ordinis Regulae ob-
seruancia maximè floret, per eam institutorum illustren-
tur. Idcirco, & alias ob singulatam, quem erga ipsam SAN-
CTAM THERESAM gerunt deuotionis affectum,

in

in Comitibus, seu Parlamento dictorum Regnorum vlti-
mo loco habito eandem SANC TAM THERESAM
in præcipuo in Regnorum Corona huiusmodi PATRO-
NAM, & advocatam elegerunt, prout in Decreto desu-
per emanato plenius dicitur contineri. Cum autem, sicut
eadem propositio subiungat, Syndici, seu Procuratores
prædicti plurimum cupiant electionem huiusmodi, quò
firma perpetuo subsistat, hostis, & huius Sanctæ Sedis
Apostolicæ patrocinio communiri: Nos Syndicorum, seu
Procuratorum eorundem præsentent, & consilium huius-
modi plurimum in Domino commendantes, illosq; spe-
cialibus favoribus, & gratijs prosequi volentes, & eorum
singulas personas, a quibusvis excommunicationis, suspen-
sionis, & interdicti, alijsq; Ecclesiasticis sententijs, censu-
ris, & pœnis à iure, vel ab homine quavis occasione, vel
causa latis, si quibus quomodolibet innodati existunt, ad
effectum præsentium dumtaxat consequendum, harum
seriè absolventes, & absolutas fore censentes, supplicatio-
nibus, tam charissimi in Christo filij nostri Philippi Hispa-
niarum Regis Catholici, quam eorundem Syndicorum,
seu Procuratorum nominè Nobis super hoc humiliter
proreçtis inclinati, de venerabilium fratrum nostrorum
sanctæ Romanæ Ecclesiæ Cardinalium sacris ritibus præ-
positorum consilio, electionem prædictam, ac desuper
emanatum Decretum huiusmodi Apostolica authorita-
te tenore præsentium perpetuo approbamus, & confirma-
mus, illisq; inuiolabilis Apostolicæ firmitatis robur adij-
cimus, atq; omnes, & singulos, tam iuris quam facti defec-
tus, si qui desuper quomodolibet interuenerint, supple-
mus: vçq; in posterum eadem SANC TA THERESA
ab omnibus, & singulis eorundem Regnorum personis,
tam secularibus, & Ecclesiasticis, quam regularibus, vt ta-
lis PATRONA, cum omnibus, & singulis priuilegijs,
gratijs, & indultis, similibus Patronis competentibus, seu
aliàs concedi solitis, sine tamen præiudicio, aut innouatio-
ne, vel diminutione aliqua Patronatus Sæcti Iacobi Apof-
toli in vniuersa Hispaniarum Regna haberi, & reputari,
atque ita ab omnibus, ad quos spectat, obseruari debere,
etiam

etiam perpetuò statuimus, præcipimus, & mandamus. De
cernentes nihilominus irritum, & inane quidquid secus
super his á quoquam quavis authoritate scienter, vel ig-
noranter contigerit attentari. Non obstantibus constitu-
tionibus, & Ordinationibus Apostolicis, cæterisque contra-
rijs quibuscumque. Volumus autem, quod præsentium
transumptis, etiam impressis, manu alicuius Notarij pu-
blici subscriptis, & sigillo alicuius personæ in dignitate
Ecclesiastica constitutæ munitis, eadem prorsus fides ad-
hibeatur, quæ præsentibus adhiberetur, si forent exhibi-
tæ, vel ostensæ. Datum Romæ apud Sanctam Mariam
Maiorem sub annulo piscatoris die XXI. Iulij M. DC. XX
VII. Pontificatus nostri anno quarto. V. Theatin. loco an-
nuli ✕ piscatoris.

*Este es vn traslado bien y fielmente sacado, corregido, y con-
cerado, y concuerda con su original, que entregué al Padre Fray Gero-
nimo de la Encarnacion Procurador General de la Orden de nues-
tra Señora del Carmen Descalço. Testigos presentes Iñidro Tosta-
do, Iuan de la Casa, Manuel Correa estantes en esta villa. Y autori-
zado con el sello del Doctor don Iuan del Corral, de la Cathedral
de Astorga, Arcediano de Villarrobledo, y Procurador General
del estado Ecclesiastico destes Reynos, a quien doy fee que conozco.
Fecho en Madrid a diez y siete de Setiembre de mil y seyscientos y
veynete y siete años. En fee dello lo firmé, y signé. * En testimonio
de verdad, Iuan de Vxena Notario publico Apostolico.*

Quien gustare de ver el original, acuda a qualquiera
de los Conuentos de Carmelitas Descalços
que alli le podrá ver, y se le enseñará
con mucho gusto.

(?)

